


•116 преподобномучеников Печенгских•

•Прп.
Феодорит Кольский

•Прп.
Трифон Печенгский



ЯВЛЯЕТ И СЛУЖИТ
ПРЕПОДОБНОМУЧЕНИКУ ИГУМЕНУ ГУРИЮ
И С НИМ 116 ПРЕПОДОБНОМУЧЕНИКАМ
ПЕЧЕНГСКИМ

**ПРЕПОДОБНОУЧЕНИК
ИГУМЕН ГУРИЙ
И С НИМ 116
ПРЕПОДОБНОУЧЕНИКОВ
ПЕЧЕНГСКИХ**

ДНИ ПАМЯТИ

**9/22 декабря –
день мученической кончины в 1589 году**

**В 3-ю Неделю по Пятидесятнице –
в Соборе Новгородских святых**

ТРОПАРЬ,

глас 5:

Впустыни неплодней преславныя плоды Духа Святаго стяжавшии, / кротостию и послушанием Христу уподобилися есте, / яко агнцы, лютую смерть от меча прияли есте, / благочестивии иноцы и христолюбивии миряне, / на Печензе пострадавшии, / молитесь Христа Бога // о всех, чтущих память вашу.

ИИ ТРОПАРЬ,

глас 4:

Честнии преподобномученицы, / вас по долгу чтуще, / восхвалим днесь летный праздник ваш, / яко благих виновный, / и, всеночная совершающе, воспойм: / Духа проповедницы и Троицы вернии служителие, // тепле молитесь о нас ко Господу.

КОНДАКЪ,

глас 7:

Начальниче монахов Гурие и прочие отцы всеблаженнии, / божественными страданиями, яже за Христа претерпевше, / души своя во огни, яко злато в горниле, очистили есте / и во обители горния ко Владыце своем ныне преселилися есте. / Сего ради прилежно чтим и ублажаем вас, // преподобномученицы Печенжстии.

ИН КОЦЯК,

глас 6:

Приидите, мучениколюбцы вернии, / песньми почтим пре-
подобномученики Печенжския, / по проречению препо-
добнаго Трифона / страдальческую кончину от иноплемённых
приявшия / и землю Кольскую кровию своею освятившия, /
и умильно возопийм к ним: / не забудьте обители вашаея, / оз-
лобление и гнев от душ наших отгоните, / научите ны до смерти
Христа исповедати // и страха вражия не бояться.

КРАТКОЕ ЖИТИЕ

**преподобномученика игумена Гурия и с ним
ста шестнадцати преподобномучеников Печенгских**

Игумен Гурий Печенгский принял крест управления Пе-
ченгским Свято-Троицким монастырем, этой самой се-
верной обителью в беспокойном «финском» приграничье,
в 1556 году. Такова была воля Иоанна Грозного, объявленная на
памятной встрече преподобнаго Трифона с царем и привед-
шая к получению Печенгским монастырем Жалованной грамо-
ты с обширными дарениями и льготами. Как повествует житие,
в Москву к Государю старец Трифон прибыл не один, а «со едино-
путным своим, Соловецкого монастыря неким праведным ино-
ком», которым, надо полагать, и был представленный царю на
утверждение будущий настоятель монастыря Гурий Печенгский.
«И оттоле Великий царь возлюби их, а паче преподобнаго Три-
фона, и пожаловав и одарив обитель колоколами и церковною
утварию богато, отпусти с милостивым призрением».

Гурий Печенгский был одним из достойнейших учеников преподобного Трифона. Он вместе со своим духовным отцом достойно нес тяжкий крест окормления столь непростого монастыря, делая все, чтобы не допустить гибели душ иноческих и воспитать братию в вере и благочестии. Об этом проявлении подлинной заботы и любви ясно говорится в «Каноне преподобному Трифону»: «Аще и питаемые тобой роптать не перестают, но ты их в благоразумие привел молитвами непрестанными, и пением, и бдением, дондеже их Христу чистыми представил».

«Чистыми представить Христу» монастырскую братию прилучилось вскоре после кончины Трифона. В Полярную ночь Рождественского поста 9/22 декабря 1589 года отряд «финских немец» «благоволением судеб Господних неисследомых» ворвался в ограду монастыря. Братия была в церкви на повечерье и, увидев врага, обратилась к игумену Гурию со словами: «Благослови, отче, воополчиться на брань, дать бой супостату!» Но старец сказал твердо: «Нет, братия моя, не оскверним церковь побоищем – это свершается воля Божия, ее предрекал нам преподобный отец наш Трифон, и нельзя тому противиться. Молитесь, братия, готовьтесь принять венец мученический». И первым стал на колени пред Царскими вратами. За ним, верная обету послушания, опустилась на колени и вся братия.

Безбожные враги, как «лютые зверие во церковь вскочиша со оружием и во храме всех предаше смерти, и ради тяжчайшего мучения иных пополам пресекоша, другим ноги и руки отсекоша, иных вдоль отсекоша. Преподобного же игумена Гурия, да диакона, различно мучаще и оружием язвяще, и огнем жгуще. Но добрые Христовы страдальцы в таком лютом мучении еретикам ничтоже отвечавше и только к небеси взираху. И то видеша окаянные, яко ничтоже им о казне поведаяюще, паче разъярившися, мечами преподобных в части отсекоша, и храмы Божия оскверниша и ограбиша, и с посеченными преподобных телесы сожгоша».

То есть когда наступил для насельников монастыря час испытания и момент истины, абсолютное большинство братии явило подлинное, идущее даже до смерти послушание своему игумену и смирение перед волей Божией. По молитвам преподобного Трифона они наследовали райские обители, потому как он чад своих «Христу чистыми представил».

Так завершилась история древней обители преподобного Трифона и житие его духовных чад. Молитвами святого Печенгского старца Господь даровал им высшую награду христианина – венцы небесные мучеников Христовых.

Вместе с игуменом Гурием этих венцов удостоились: иеромонах Иона, иеромонах Пахомий, иеродиакон Иосиф. Монахи: Феодосий, Александр, Макарий, Калистрат, Геннадий, Феофил, Онуфрий, Амвросий, Сампсон, Герман, Иуда, Даниил, Филофей, Феогност, Онисим, Моисей, Герман, Феодорит, Иов, Валериан, Сампсон, Герасим, Серапион, Авраамий, Георгий, Дорофей, Иустин, Лонгин, Савва, Ефрем, Спиридон, Феодосий, Савватий, Паисий, Кирилл, Григорий, Семион, Филимон. Монастырские послушники и трудники: Никифор, Евсей, Пров, Савва, Антоний, Иоаким, Конон, Евсей, Иоанн, Орест, Иоанн, Артемий, Евграф, Феодор, Никита, Никита, Никита, Игнатий, Феодор, Димитрий, Родион, Гавриил, Константин, Константин, Иоанн, Лука, Леонтий, Феодот, Евфимий, Фома, Гавриил, Дементий, Артемий, Стефан, Андрей, Парфений, Никифор, Ананий, Стефан, Емельян, Филипп, Корнилий, Иоанн, Иоанн, Даниил, Стефан, Фока, Никита, Архипп, Гавриил, Иоанн, а также две женщины – трудницы на скотном дворе: Акилина и Евфимия.

Когда спустя десять дней несколько оставшихся в живых насельников, «бывших во отшествии в службах», смогли наконец вернуться «в разоренную святую обитель», то «об убиенных горек плач сотворили и оставшиеся плоти рассеченные, и сторевшие части собрали и погребли честно».

Мощи ста шестнадцати преподобномучеников пребывают под спудом на месте, которое с древности было обозначено крестом и считалось могилой убиенных Печенгских монахов. В начале XX века над могилой находился алтарь монастырской Рождественской церкви с подземной криптой для поклонения святому месту. В наше время место захоронения Печенгских страдальцев обозначено часовней, а невдалеке построена церковь Святых ста шестнадцати преподобномучеников Печенгских Североморской епархии.

МЕСЯЦА ДЕКАБРЯ В 9-Й ДЕНЬ (22 ДЕКАБРЯ ПО Н. СТ.)

Служба святых ста шестнадцати
преподобномученик Печенжских

НА МАЛОЙ ВЕЧЕРНИ

На Господи, возвах: стихиры на 4, глас 1:

Подобен: Званный свыше:

Приидите, возрадуемся Господеви, / в память страстотерпцев
отцев блаженных, мучеников Печенжских, / доблемудренно
во обители земной потрудившихся / и в селениях небесных
упокоившихся, / воистину до крове подвизавшихся, / темже и
сугубыя венцы стяжавших. / Молим вас, преподобнии мученицы,
/ испросите и нам у Господа / в мире и покаянии скончати
жизнь нашу // и Царствия Небеснаго сподобитися. *(Дважды)*

Озарившися душами и сердцы, / преподобнии мученицы
обители славнаго Трифона, / добре подвизаетесь и о временном
житии небрегосте. / Божественною благодатию привременную
суету благодушно оставивше, отцы блаженнии, / с любовью
приидосте во обитель сию / и, подвигом постничества и молитвы
обучившися, / исповедания венцы приясте, / свитцких немцев
разбойце твердо изобличивше, / мечем изсечение претерпесте
и огнем испепелитесь, // преподобномученицы доброхрабрии.

Доброплодно вельми подвизавшися, преподобнии, / мучительския
прилоги испытаете, / и доблественно от меча смерть
жестокую претерпесте, / и телеса ваша во всеожжение Христу
принесосте, / яко закления исполнивше благоуханием небесная.
/ Темже любовью празднуем память вашу, / славный игумене
Гурие и иже с ним сто шестнадцать мученик, // молитесь о
чтущих память вашу.

Слава, глас тойже:

Яко жизнь ваша блаженна / и смерть честна воистину, / свят
и мученицы, / воздержанием телеса поработивше, покоритесь
Духови, / делателие бывше заповедей Господних: / якоже

бо триé о́троцы, посреде́ пла́мене пою́ще Бо́га и благословя́ще Го́спода, / сла́ву ми́ра сегó презрѣсте, / и ны́не всели́тесе в жили́ще неконча́емое, / и сугубыми венцы́ украси́тесе: // приле́жно Спа́са моли́те спасти́ся нам.

И ны́не, Богородичен:

Кров твой, Богородице Дѣво, / врачевство́ есть духо́вное: / в оны́ бо прибега́юще, // душе́вных болѣзней избавля́емся.

На стихо́вне стихи́ры, глас 6:

Пѣсньми божѣственными почита́етесе ны́не досто́йно, / па́стыренача́льниче игу́мене Гу́рие, / священноино́че Пахо́мие, / иероди́аконе Ио́сифе, / достосла́вне Амвро́сие / и прѣчи́и ино́цы, / во обители́ Печенжстей подвиза́вшиися / и Христа́ ради́ му́жественно пострада́вшии, / чрез мучѣ́ния тяжкая́ и огонь прои́до́сте / и, яко́ ученицы́ вѣрнии преподо́бнаго Трифо́на и друзи́ Христо́вы, // в поко́й Небѣснаго Ца́рствія внидо́сте.

Стих: Честна́ пред Го́сподем / смерть преподо́бных Его́.

Огнемъ веще́ственнымъ смерть приѣмше, / пла́мене геѣ́нскаго избе́гли есте́, / извлѣ́кше, треблаже́ннии, божѣственный глаго́л, яко́ меч духо́вный, / посеко́сте главы́ невидимыхъ змиѣв и клеветро́тов ихъ видимыхъ / и, в це́ркви всесоже́гшесе, // благоуха́ние Го́сподевѣ принесе́тесе.

Стих: Проидо́хомъ сквозѣ́ огонь и во́ду, / и извѣ́л ны еси́ в поко́й.

Вре́мя поруга́ния и запале́ния обители́ своея́ понѣсше / и закла́ние мечѣмъ, яко́ агнцы́ незло́бивии, / коленопрекло́ненно безро́потне восприѣмше, / разбо́ищу безу́мному укорѣ́ние бы́ли есте́, богоно́снии, / и, Ангеломъ по мученичестей кончи́не совокупи́вшесе, / престо́лу Влады́чню предстоя́ще, приле́жно моли́тесе, // во е́же спасти́ся от бѣдъ па́мьть ва́шу чту́щим.

Сла́ва, и ны́не, глас то́йже:

Тро́ице Неисчетно́сильная, Еди́нице Триипоста́сная, / моли́твами твёрдыхъ Твои́хъ страда́льцев / и Присноде́вы еди́ныя Богороди́цы // спаси́ ны, воспева́ющия Тя.

Тропа́ри пи́саны на вели́цей вече́рни.
Ектенія́ ма́лая и отпу́ст

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8, глас 4.

Подобен: Яко добля:

Празднолюбцев соборы, / монашествующих сословие, / веселящаяся, праздник составим / ста шестнадцати преподобнострадальцев Печенжских. / Иже добродетелей подвижницы и постников украшение явились есте, / Господеви усердно поработали есте. / Сего ради ныне с лики всех святых земли Российския Престола Божью предстоите // и молитесь о душах наших.

Егда Божиим пощением грех ради человеческих / Святыя Троицы и праведнаго обитель / от финских немцев, клеветов краля свитцаго, / разорена и сожжена бысть до основания, / всечестнии угодницы Пречистыя Богоматере, / светлоплодная древеса обители Печенжския / и шипцы всеблагоуханныи, / в подвизе велицем просияли есте // и лютую смерть от безбожных прияли есте.

Утвердившися крепостию Вседержителя, / глаголы мучителей небрегоша доблии воины Христовы: / игумене Гурие и иже с ним божественнии мученицы, монаси и бельцы, / ярость, гнев и гордыню ни во чтоже вмениша // и, веселящаяся, благохвально смерть претерпеша.

Мечу злокозненному не поклонитесь / и огню чувственному не принесете чести, / сице избавистесь пламени геенскаго, богоглаголивии, / огню и мукам приобщившися, святии, / и пламенем огненным искушившися, // яко злато чистейшее, пред Христом Владыкой предстаи есте.

Ины стихиры святых, глас 2.

Подобен: Кийми похвальными:

Полче Божественный Христа Вседержителя, / твердии преподобнострадальцы, / сто шестнадцать иноков и бельцев, / поправшии представителя тьмы страхования / и огня не убоявшись, / от Бога благославно венчавшиися, / ныне ликуете в чертогах небесных / и Трифона Печенжскаго обитель покрываете от всяких бед, / яже ныне радостью совершает святую память вашу, // стяжавши вас пред Богом молитвенники.

Киими похва́льными пёсньми восхва́лим благоче́стно / пре-
подобному́ченики Пёченжскія днесь? / Киими добропобёд-
ными венцы́ увязём сие́ свётлое украше́ние Цёркве: / предна-
чальники ла́врскія, игу́мена Гу́рия, / священноиноки Ио́ну и
Пахо́мия, / иероди́акона Ио́сифа, и́же с ними́ иноки честны́я: /
Феодо́сия, Алекса́ндра, Мака́рия, Каллистра́та, / Генна́дия, Фео́-
фила, Ону́фрия, Амвро́сия, Сампсо́на, / Ге́рмана, Ио́ду, Дании́ла,
Филофе́я, Феогно́ста, / Онисима, Моисе́я, Ге́рмана, Феодорита,
Ио́ва, Валери́ана, / Сампсо́на, Герасима, Серапио́на, Авра́мия, Ге-
о́ргия, Дорофе́я, Иустина́, / Ло́нгина, Са́вву, Ефре́ма, Спиридо́на,
Феодо́сия, / Савва́тия, Паисия́, Кири́лла, Григо́рия, Симео́на и
Филимо́на / со ине́ми пострада́вшими с ними́, // я́же венча́ Го-
спо́дь, имейя́ вёлию́ ми́лость.

Киими духо́вными словесы́ похва́лим / богоно́сныя и пре-
подобнострада́льныя, / му́ченическою кончи́ною заше́дшия
послу́шники и трудо́ники и инии́ до́блии бельцы́: / Ники́фора,
Евсе́я, Про́ва, Са́вву, Анто́ния, / Иоакима́, Коно́на, Евсе́я, Иоа́нна,
Оре́ста, / Иоа́нна, Арте́мия, Евгра́фа, Феодо́ра, Ники́ту, / Игна́тия,
Ники́ту, Феодо́ра, Димит́рия, Родио́на, / Гаврии́ла, Константи́-
на, Иоа́нна, Луку́, Леонти́я, Феодо́та, / Евфи́мия, Фому́, Гаврии́-
ла, Доме́тия, / Арте́мия, Стефа́на, Ники́ту, Андре́я, / Парфе́ния,
Ники́фора, Ана́нию, Стефа́на, / Емили́ана, Филиппа́, Корни́-
лия, Иоа́нна, / Дании́ла, Стефа́на, Константи́на, Фо́ку, Иоа́нна, /
Ники́ту, Архи́ппа, Гаврии́ла, / и ско́тии де́лательницы Акили́ну и
Евфи́мию? / Помяните́ у́бо у Престо́ла Бо́жия // страда́льчества
ва́шего пра́здник чту́щих ве́рно.

Киими весёлыми пёсньми воспоём лик преподо́бных, / со-
бравшихся благода́тию на по́двиг му́ченичества / во еди́но согла-
сие до́блести, / твёрдое ве́ры предогражде́ние? / Святы́я Тро́ицы
поборницы́ и служи́тели / си́лы своя́ па́че естество́нных содела́-
ша, / му́жественнии ученицы́ Три́фона, / божество́ннии му́чени-
цы, / укрепля́еми си́лою Твое́ю, Иису́се Всеси́льне, / укрепи́ и нас,
Го́споди, // кончи́ны непосты́дныя дости́гнути.

Сла́ва, глас 6:

Приидите́ днесь, лик духо́вный соста́вьше, / во оби́тели пре-
подобнаго Три́фона благоче́стно восторжеству́им / и сла́в-
ных преподобнострада́льных отце́в свётло почти́м, глаго́люще: /
ра́дуйся, полче́ богособранный, / шумя́щаго огня́ не убоя́вшийся
и злосла́вных буйство́ низложивший; / ра́дуйтесь, святии́, посре-
де́ огня́ страхова́ния еретико́в поплева́вшии / и хра́брственно

вѣру до крове исповедавши. / О, доблии оружницы Христо́вы, /
предстатели Печенжския обители! / О, бодрии хранителие зе-
мель се́верных, // моли́тесь о нас, соверша́ющих па́мять ва́шу.

И ны́не, Богоро́дичен:

Кто Тебе́ не ублажи́т, Пресвята́я Де́во? / Кто ли не воспоёт Тво-
его́ Пречыстаго Рожде́ства? / Безлѣтно бо от Отца́ возсия́вый
Сын Единоро́дный, / Тойже от Тебе́, Чы́стыя, про́йде, неизрече́н-
но вопло́щся: / естество́м Бог Сый и естество́м быв Чело́век нас
ра́ди; / не во двою́ лицу́ разделя́емый, / но во двою́ естество́ / нес-
ли́тно познава́емый. / Того́ моли́, Чы́стая Всеблаже́нная, // по-
ми́ловатися душа́м на́шим.

Вхо́д. Прокі́мен дне́ и чтѣ́ния три. Премудро́сти Соломо́новы чтѣ́ние:

Пра́ведных ду́ши в руце́ Божией, и не прикосне́тся их му́ка. /
Непщевани бы́ша во очесе́х безумных умре́ти, и вмени́ся оз-
лобле́ние исхо́д их, и е́же от нас шѣствие – сокруше́ние, они́ же
суть в ми́ре. / Ибо пред лице́м чело́веческим а́ще и му́ку прииму́т,
упова́ние их безсме́ртія испо́лнено. / И вма́ле наказани бы́вше,
вели́кими благоде́тельствовани бу́дут, я́ко Бог искуси́ я и обре́те
их досто́йны Себе́. / Я́ко зла́то в горни́ле, искуси́ их и, я́ко всепло́-
дие же́ртвенное, прият я. / И во вре́мя посещѣ́ния их возсия́ют и,
я́ко и́скры по сте́блию, потеку́т. / Су́дят язы́ком и облада́ют людь-
ми, и воцари́тся Госпо́дь в них во ве́ки. / Наде́ющиися Нань ра-
зумѣ́ют и́стину, и ве́рнии в любви́ пребу́дут Ему́. / Я́ко благода́ть
и ми́лость в преподо́бных Его́, и посещѣ́ние во избра́нных Его́.

Премудро́сти Соломо́новы чтѣ́ние:

Пра́ведницы во ве́ки живу́т, и в Го́споде мзда их, и попече́ние
их у Вы́шняго. / Сего́ ра́ди прииму́т Ца́рствие благоле́пия
и венѣ́ц добро́ты от руки́ Госпо́дни, зане́ десни́цею покры́ет я и
мы́шцею защити́т их. / Приимет всеору́жие рвѣ́ние свое́ и воору-
жи́т тварь в месть враго́м. / Облече́тся в броня́ пра́вды и возложит
шлем – суд нелицеме́рен. / Приимет щит непобеди́мый – пре-
подо́бие, поостри́т же напрасный гнев во ору́жие, спобо́рет же с
ним мир на безумныя. / По́йдут праволу́чныя стрѣ́лы молниины
и, я́ко от благокру́гла лука́ облако́в, на наме́рение полетя́т. / И от
каменомѣ́тныя я́рости испо́лнь паду́т гра́ды, вознегодует на них

вода морская, реки же потопят я нагло. / Сопротив станет им дух силы и, яко вихор, развеет их, и опустошит всю землю беззаконие, и злодейство превратит престолы сильных. / Слышите убо, царие, и разумейте, навыкните, судий концев земли. / Внушите, держащии множества и гордящиися о народах языков, яко дана есть от Господа держава вам и сила от Вышняго.

Премудрости Соломоновы чтение:

Праведник, аще постигнет скончаться, в покои будет. / Осудит же праведник, умираяй, живущия нечестивыя. / Узрят бо кончину праведнаго и не разумют, что совещаща о нем, яко повержет Господь нечестивыя безгласны ниц и поколеблет их от оснований, и до последняго исчезнут в болезни, и память их погибнет. / Придут бо в помышление согрешений своих ужасни, и обличит их сопровтив беззакония их. / Тогда станет в дерзновении мнозе праведник пред лицом оскорбивших его и отметающих труды его. / Видевше же его, смятутся страхом многим и ужаснутся о преславном спасении его. / Рекут бо в себе, кающися, и в тесноте духа вздохнут и рекут: сей бе, егоже имехом некогда в посмех и в притчу поношения, безумнии, житие его вменихом нейстово и кончину его безчестну. / Како вменися в сынех Божиих, и во святых жребий его есть? / Убо заблудихом от пути истиннаго, и правды свет не облиста нам, и солнце не возсия нам. / Беззаконных исполнихомся стезь и погибели, и ходихом стези непроходны, пути же Господня не разумехом.

На литий стихира храма и святых, глас 5:

Приидите, мучениколюбцы, / отцев блаженных прославим, / Печенжских молитвенников, / доблемудренно во обители земной потрудившихся / и в селениях небесных упокоившихся, / войистину до крове подвизавшихся. / Молим вы, преподобнии мученицы, / сугубыя венцы стяжавшия, // испросите и нам у Господа оставление грехов и велию милость.

Слава, глас 8:

Вельми подвизаетесь, преподобномученицы Печенжстии, / варварское нашествие доблественно претерпесте, / души усердно мечем предавше, / мученическими увязостесь венцы, / ныне же со Ангелы водворяетесь достойно. / Многая ваша терпения и большая дарования: // молитесь спастись душам нашим.

И ныне, глас тойже:

Кому уподобилася еси, окаянная душе, / к покаянию никакоже вознучи / и огня не ужасающися злых ожидающаго? / Востани, и едину к заступлению скорую призови, и возопий: / Дево Мати, моли Твоего Сына и Бога нашего // избавити мя от сети льстиваго.

На стиховне стихиры, глас 5.

Подобен: Радуйся:

Радуйся, Печенжския обители полче божественный, / войство победоносное, столпи благочестия, / ратоборцы на враги неустрашими, / дерзновеннейше обличивши коварство свитцкое / и Пекку, волка безумнаго, / иже преда стадо Христово страданием зломучительным. / Молитесь ко Спасу, страдальцы доблии, / да помянет и нас Христос, // и да простит по множеству милости Своея.

Стих: Честна пред Господем / смерть преподобных Его.

Радуйся, победоносное множество, / в священной брани доблествовавшее, / и венец от Господа радостно приявшее, / и блаженных неизреченную славу зрящее, / причастием Бога обожаемое, / песни невещественных серафим подражающее, / неизблемо о мире моление творящее, / радуйтесь, мучеников и преподобных единовсельницы, / соделавшиися храмы Духа Святаго, / и, таин высококаго Божия разума самозрители суще, / Христа Владыку просите, благословеннии, // низпослати душам нашим велию милость.

Стих: Воспойте Господеви Песнь нову, / хваление Его в Церкви преподобных.

Веселится днесь Церковь Православная, / красящися добрым мужеством преподобномучеников, / и созывает всех постников и безмолвников, глаголющи: / приидите, / срадуйтесь мне, весь избранный Израилю, / просвети бо Господь славу мою // страданьями Печенжских иноков.

Слава, глас тойже:

Множество ран претерпевше, святии страдальцы, / кровавыми опытованиями омылися есте светосиянно. / Возмогли есте, силою Божественною укрепляеми, / терпети муки нестерпимыя, всехвальнии Печенжстии преподобномученицы. / Пол-

цы лукавых бесов побеждены быша кровию множества мучеников, / и Церковь Твоя крепится Православная, Жизнодавче, // воспеваючи славу силе Твоей.

И ныне, Богородичен:

Храм и Дверь еси, / Палата и Престол Царев, / Дево Всечестная, / Еюже Избавитель мой, Христос Господь, / во тьме спящим явися, / Солнце Сый правды, просветити хотя, / яже созда по образу Своему рукою Своею. / Темже, Всепетая, / яко Матерне дерзновение к Немю стяжавшая, // непрестанно моли спастися душам нашим.

Величание:

Ублажаем вас, / святїи преподобномученицы Печенжстїи, / и чтим святую память вашу, / наставницы монахов // и собеседницы Ангелов.

На благословении хлебов: тропарь святым, по выбору, дважды, и Богородице Дево: единожды.

Тропарь, глас 5:

В пустыни неплодней преславныя плоды Духа Святаго стяжавшии, / кротостию и послушанием Христу уподобилися есте, / яко агнцы, лютую смерть от меча прияли есте, / благочестивии иноцы и христолюбивии миряне, / на Печензе пострадавшии, / молитесь Христа Бога // о всех, чтущих память вашу.

Ин тропарь, глас 4:

Честнии преподобномученицы, / вас по долгу чтуще, / восхвалим днесь летный праздник ваш, / яко благих виновный, / и, всеночная совершающе, воспойм: / Духа проповедницы и Троицы вернии служителие, // тепле молитесь о нас ко Господу.

НА УТРЕНИ

На Бог Господь: тропарь святым.
Слава, и ныне: Богородичен.

По 1-й стихологии седален, глас 1.

Подобен: Гроб Твой, Спасе:

Страстное покорили есте плотское мудрование / и горшая по-
работили есте лучшему, / преподобнии отцы наши, на Печен-
чензе пожившии, / честно почтим вы, яко хранители земли на-
шей северныя, / предстатели неусыпныя и блюстители, // мечем
и огнем божественныя кончины добре сподобившиися.

Слава:

Светлыя звезды Христовы Церкви явитесь, мудрии, / и бла-
годать прийте, мученицы. / Ни огонь злый, ни меч злодейск
возможе разлучити вас, досточуднии, от любви Божия, / яже о
Христе Иисусе, Господе нашем. / Темже днесь священную вашу
память верно празднуем и содружно воспеваем: / радуйтесь, бла-
гомужественнии, // яко мзда ваша многа на Небесех.

И ныне:

Дева воистину, прежде рождества Дева, / Дева истинная, в
рождестве Дева, / Приснодева по рождестве пребыла еси. /
Темже молюся: укрепи мя девствовати душею и телом, // Отро-
ковице Дево.

По 2-й стихологии седален, глас 4.

Подобен: Удивися Иосиф:

Удивися воистину Ангельское воинство мужеству славных пре-
подобнострадальцев, / егда, смиренномудренно на молитве
стояще, беззаконующих обличиша. / Тако искусил еси, Боже,
отцы Печенжския, // разжегл еси их, якоже разжизается сребро.

Слава:

Удивляет всяк ум твердость мужества вашего, / преподобно-
страдальцы Христовы, обители Печенжския доброто, / яко
смиренномудренно совершите божественное поприще стра-

дальчества, / пленяюще всяк земной разум в послушание Христо-
сто́во. / Сего́ ради священную вашу память совершаем, // и́мамы
вас, всехва́льнии, предста́телей тёплых.

И ны́не:

Несквѣрная А́гница и Пречи́стый Черто́г от пра́ведников прои-
зы́ти ны́не начина́ет, ве́рнии, / богоукраше́нная Мари́я прес-
ла́вно. / Веселите́ся прочее, не́бо и земля, / и, вси земноро́днии,
совзыгра́йте: / я́ко сотвори́ днесь пресла́вная Бог, / во чре́ве не-
пло́дствующия плод, / еди́ну показав Де́ву, Ю́же ве́рно воспоём.

Велича́ние святы́м:

Ублажа́ем вас, / святы́и преподо́бному́ченицы Пече́нжстии, /
и чтим че́стная страда́ния ва́ша, / я́же за Христа́ // претерпе-
ли е́сте.

Псалом избранный:

Бог нам Прибе́жище и Си́ла, Помо́щник в ско́рбех, обрѣ́тших
ны зело́. / Мене́ жда́ша грѣшницы погуби́ти мя, свидѣ́ния Твоя́
разуме́х. / Глаго́лах о свидѣ́ниих Твои́х пред ца́ри и не стыдя́хся. /
Вси язы́цы обыдо́ша мя, и и́менем Госпо́дним противля́хся им. /
Аз на ра́ны готов: и бых я́звен весь день. / Тебе́ ради умерщвля́ем-
ся: вмени́хомся, я́ко о́вцы заколе́ния. / Госпо́дь утвержде́ние мое́,
и Иза́витель мой, и упова́ю на Него́. / Кре́пость моя́ и пѣ́ние мое́
Госпо́дь, и бысть мне во спасѣ́ние. / Ты, Го́споди, сохрани́ши ны
и соблюде́ши ны от ро́да сего́ и во век. / Искусил ны еси́, Бо́же,
разже́гл ны еси́, я́коже разжиза́ется серебро́.

По полиеле́и седа́лен, глас 4.

Подобен: Яви́лся еси́:

Свѣтом Тро́ическим свѣ́то осия́вшеся, / отцы́ световид-
нии, свѣ́тлии адама́нти Правосла́вия, / тьму глубо́кую сла-
стей оста́висте / и свѣти́льницы яви́стеся, просвеща́юще ве́рных
сердца́ де́лы божѣ́ственными. / Во огни́ вре́менном искуше́нии
терпели́во да похва́лятся днесь, / я́ко Тро́ицы бы́вше проповѣ́д-
ницы. / Ю́же моли́те согреше́ний оста́вление дарова́ти, // чту́-
щим любо́вию святу́ю па́мять ва́шу. *(Два́жды)*

Сла́ва:

Празднует днесь обитель Печенжская / честное торжество
преподобнострадальцев своих, // сии бо житием и умертви-
ем проповедаша Православия Божественныя догматы.

И ны́не:

Предстательнице неборимая оскорбляемых / и теплое за-
ступление уповающих на Тя, / от бед мя избави, // Ты бо еси
всех помощница.

Степenna, 1-й антифон 4-го гласа. Прокимен, глас 4: Честна́
пред Господем / смерть преподобных Его́. **Стих: Что воздам Госпо-**
деви о всех, яже воздаде ми? **Евангелие от Матфея, зачало 36.**

По 50-м псалме́ стихира самогласна, глас 2:

Землеретныя и тлеемыя сласти небрегосте, святии, / Царя Не-
беснаго воинству сопричтени бысте, / земную брань и воин-
ство отвергосте, рекше: / яко несть брань наша противу крове и
плоти, / но на миродержителей тьмы века сего, / на духов злобы
поднебесных. / Нас же, присно почитающих память вашу, отцы
всечестнии, / от варварских находений, разбойнических напа-
дений и нашествий избавите // всемошными молитвами вашими.

Канон

Богородице и святым, глас 1

Песнь 1

Ирмос: Песнь победную поим вси Богу, / сотворшему дивная чу-
деса мшицею высокою / и спасшему Израиля, // яко прославися.

Запев: Святии преподобномученицы Печенжстии, // молити
Бога о нас.

Сподоби, Господи, прославити по достоянию сто шестьна-
дцать преподобномучеников Печенжских / и скверными
устнами восхвалити божественное собрание страдальцев Хри-
стовых, / тии бо, силою Божью вооружившися, / искушением

вражиим противосташа / и сонма отец Кольских украшение пресветлое явися.

В терпении и пощении, в мори слез ваших, мудрии, / पहले потопите фараона мысленного, / последи же в кровных потоцех и огни зломучительном победите его, / и, воле Божией смиренно повинувшися, жестоко его посрамите, / и послежде погибели предасте.

Преподобныя отцы наша Печенжския, иже заклани быша за Христа, / постнически пожившия мученики восхвалим: / аще и мечи от незаконных убиваемы, святии, от жития сего отступите, / но прежде исхода напасти горькия претерпесте, / мертвы бывше миру.

Похвалим днесь преподобнострадальцев сочетание, / сто шестьнадесять иноков и бельцев, / твердыя адаманты и мученики, смерть неправедную претерпевшия, / поюще избавителю Богу нашему: славно бо прославися.

Богородичен: Света невечерняго источник вѣдуще Тя, Всепетая, / мрак душ и телес разреши лучами Твоими / и зрети сподоби Того, Владычице, молимся.

Песнь 3

Ирмос: Камень, Егже небрегша зиждущи, / Сей бысть во главу угла: / Той есть Камень, на Немже утверди Церковь Христос, // юже от язык искупи.

Песньми священными да похвалится / божественное слово славных преподобномучеников обители Печенжския: / великому царю Феодору Иоанновичу воевавшу на свитцкия люди, / тогда же немцы свитцаго владения финския страны / в Филиппов пост на обитель Живоначальныя Троицы ратию приидоша / и зло неисцельное сотвориша. / Мы же, зряще сия, ужасохомся и бояхомся, / яко неиспытани суди Господни, и неизследовани пути Его.

Тако ключися по пророчеству преподобнаго, / обнощ дояже сокрушение велие на святую обитель: / вражебники жестокосерднии पहले сожегоша храм Успения Пречистыя Богородицы во отходной пустыни, / яже над мощами преподобнаго Трифона, / и zde старцев честных и превозвышенных, / земныя чести и славы отвергшихся, / священноинока Иону и сослужителя Германа, / во храме заутра литургисавших, / мечем побиха и со церковию сожегоша. / Темже, о, всеблаженнии и многострадальнии старцы светосияннии, / не престайте молити о душах наших.

Обаче до лавры разбоище лютое не дошедше, сокрышися в тайне месте, / и на обитель преподобнаго целыя седми дни врази ратию дерзнути не смяху, / занеже показашися им на забралех ограждения монастырскаго / множество оружейнаго воинства, / и пристрашно же бысть им то видение.

Месяца декабря в девятый день по благоволению судьб Божиих неизследных / тии еретицы обнощ безвестно впадоша во градех монастырский / и вне церкви во службах сущих иноков и мирских мечем заклаша. / Темже и Христос преславно венцами от престола славы страдальцев венча, / со Ангелы Тому ныне предстояще, святии преподобномученицы, / молитесь спастися душам нашим.

Богородичен: Неизреченный образ зачатия и рождения Твоего, Богородице Дево, / необыкновеннаго бо всеми Сына Божия зачала еси, / и, безсеменно рождши, / Чистая, пребываеши Приснодева.

Ин кондак, глас 6.

Подобен: Скоро предвари:

Приидите, мучениколюбцы вернии, / песнями почтим преподобномученики Печенжския, / по проречению преподобнаго Трифона / страдальческую кончину от иноплемённых приявша / и землю Кольскую кровию своею освятивша, / и умильно возопийм к ним: / не забудьте обители ваша, / озлобление и гнев от душ наших отгоните, / научите ны до смерти Христа исповедати // и страха вражия не бояться.

Седален, глас 8.

Подобен: Премудрости:

Крест Христов на рамо вземше, блаженнии, / преподобномучениче Германе и иже с ним сто пятьдесят мученик, / постничеством к Богу прилепистесь, / но враг, завидя добродетельному житию вашему, / воздвиже на вы злоутробное разбоище, / мя ослабити служения вашего твердость, / но обличися того ухищрение, / яко изряднейше пострадавше, / молитесь Христу Богу прегрешений оставление даровати // празднующим любовь святую память вашу. *(Дважды)*

Слава, и ныне, Богородичен:

К Богородице прилежно ныне притецем, / грешнии и смиреннии, / и припадём, в покаянии зовуще из глубины души: / Владычице, помози, на ны милосердовавши, / потщися, поги-

ба́ем от мно́жества прегреше́ний, / не отврати́ Твоя́ рабы́ тщи, //
Тя бо и еди́ну наде́жду има́мы.

Песнь 4

Ирмо́с: *Ду́хом прови́дя, проро́че Авваку́ме, Словесе́ воплоще́-
ние, / пропове́дал еси́, вопия́: / внего́да́ прибли́житься ле́том, по-
знаеши́ся, / внего́да́ приити́ вре́мени, пока́жеши́ся: // Сла́ва си́ле
Твое́й, Го́споди.*

Удиви́ся вои́стину А́нгельское вои́нство му́жеству му́дрых
преподобнострада́льных отце́в, / ка́ко во хра́ме Солове́цких
уго́дников в коне́ц повече́рия / ино́цы, на моли́тве стоя́ще и зря́-
ще врага́, во огра́ду внего́ду впа́дша, / возгласи́ша гла́сом ве́ли-
им: / воору́житься кому́ждо и му́жественне за оби́тель умре́ти; /
и та́ко ве́лие смяте́ние сотвори́ша во хра́ме Бо́жием.

Едва́ же от богому́дреннаго игу́мена Гу́рия вси удержа́ни бы́ша /
и словесе́м наказа́ния того́ внима́ша: / сомери́тися подоба́ет нам,
бра́тия, / зане́ изъявля́ется та́ко во́ля Бо́жия, / ю́же предглаго́ла
нам оте́ц на́ш Трифо́н, / воспри́йдем о́ную коленопрекло́ненно: /
и сам пе́рвейший подклони́ колéна, / та́же и вся бра́тия преклони́-
ша колéни / и простро́ша ру́ки своя́ ко Го́споду Бо́гу.

После́жде же лю́тые зве́рие в це́рковь Бо́жию вскочи́ша со
ору́жием, / и во хра́ме всех преда́ша сме́рти, / и ра́ди тяжча́йшаго
муче́ния тех на по́лы пресеко́ша, / иным но́ги и ру́ки отсеко́ша,
иных вдоль рассеко́ша. / И падо́ша вси остри́ем мечá во оби́те-
ли до конца́, / и на всех стена́х о́крест ла́вры, и на всех погостех
Пе́ченжских. / А́гнцы же незло́бивии единоте́рпéние во мно́зех
телесе́х показа́ша, / преподобнострада́льнии отцы́ оби́тели Пе́-
ченжския, / и венцы́ победными́ главы́ их венча́шася.

Свята́го же ста́рца, превеле́бнаго игу́мена Гу́рия, и смире́нна-
го диа́кона Ио́сифа / разли́чне муча́ша, и ору́жием уязви́ша, и
огне́м сожего́ша; / но до́блии Христо́вы страда́льцы / в тако́вом
лю́тем муче́нии еретико́м ничто́же отве́ща́ша, / то́кмо к небеси́ в
моли́тве зри́аху. / И мечáми преподо́бных в ча́сти разсеко́ша, /
и хра́мы Бо́жия оскверни́ша, / и преподо́бных с посече́нными
телесе́и сожего́ша. / Да похва́лится бо́жественное сосло́вие сих
свяще́нных муче́ников, / сугу́бым бо венце́м венча́шася, / я́ко
тве́рдии страда́льцы су́ще, треблаже́ннии.

Богоро́дичен: Врата́, ши́ршая небес, / и престо́л ве́мы Тя, Сера-
фим пре́высшую, Всечи́стая, / Его́же бо вся́ческая не вмеща́ют,
я́ко Бо́га, / вме́стила еси́ и но́сиши на объя́тиих, я́ко Младе́нца, /
на престоле́ О́тчем естество́ на́ше Посади́вшего.

Песнь 5

Ирмос: *Твой мир даждь нам, Сыне Божий, / много бо разве Тебе
Бога не знаем, / имя Твое именуем, // яко Бог живых и мертвых еси.*

Возвеселимся духовно, память совершающе благознаме-
нитую / преподобнострадальцев и честных наставников оби-
тели славныя, / преподобно стадо Христово упасли есте, / бого-
мудре Гурие, Печенжския обители пастырю изряднейший, / иже с
ним старцы освященнии, Ионо и Пахомие, пострадали есте с бо-
жественными ученики вашими, / мечем посечени и огнем иску-
шени бывше, яко злато в пещи, / и со Ангелы ныне ликовствуете.

Красуйся ныне, божественная обитель Печенжская, / священ-
ными твоими отраслями, преподобнострадальцами сто шесть-
надесятьми: / мужеством и благодатию укрепися побратимство
преподобных / и упразднися коварство безплотных врагов, / и
жертвы Господеви принесостеся усердно, приснопамятнии, / со
Ангельскими лики ныне ликующе.

Ревнитель Господень явился еси, премудре Гурие, / житейская
шатания отвергнув, Христову благодать взыскал еси, / дондеже
обрете обитель Печенжскую, аки место Божие, / идеже иноков
упасл еси стадо велие. / Пастырю милосердный, преподобному-
чениче Гурие, / утешителю скорбящих и маловерных настави-
че, / не забуди нас, молящих ти ся.

Крест страданий дан бысть ти свыше, богоизбранне Гурие, /
во еже обитель Печенжскую во дни ратоборства тяжкаго и на-
шествий разбойных невредиму хранить, / ты же, преподобне,
заступая вверенную ти святыню, / тверд и непреклонен явился
еси, братию словом наставляя. / Сам же все упование на Господа
возложил еси, / обители Печенжския крепкодушный начальни-
че и славный страстотерпче.

Богородичен: Слово Божие, Дево, сущее со Отцем, / паче ума, от
чистых кровей Твоих воплотися неизменно, якоже благоволи, /
Егоже во едину ипостась в двух естествах, и действиях, и хотени-
их, / православно мудрствуем.

Песнь 6

Ирмос: *Пророка Иону подражая, вопию: / живот мой, Блаже,
свободи из тли / и спаси мя, Спасе мира, // зовуща: слава Тебе.*

Днесь нам радостный день настá, / свѣтло освещáяй благозна-
менитый прázдник ста шестна́десятих преподóбных стра-
дальцев, / и веселит мы́сленно дýши и сердца́ всех благода́тию
Дýха, / Егóже в пѣснях досто́лжных почита́ем.

Преподобномученицы Пѣченжстии, наставницы на́ши му-
дри, / святы́я жизни проповѣдателие, / блаженней вѣчности
земнии устроителие, / страстей душе́вных и неду́гов телесных
прогонителие, / алчущих пита́телие, скорбных посетителие /
и чад неразумливых вразумителие, / не престáните и ны́не мо-
лѣти Христа́ Бо́га, / из уст младе́нец хвалу́ Приѣмшаго, / спасти́
немудрыя дýши на́ша.

Мира сýетнаго кромѣ пребывáя, óтче Гýрие, горѣ зрѣти навы́кл
еси́, / наказан бысть в сей премудрости от отца́ на́шего Трифо-
на, / отню́ду же по́мощь в день лют подаде́ ти Христос / и очисти́
тя, преподобномучениче, прѣжде да́же не взят бысть отсю́ду, /
Егóже ны́не прѣсно прославля́еши.

Тлѣнную и удобоувяда́емую жития́ красоту́, преподóбнии
отцы́, отвергóсте / и Христо́вою любóвию уязви́стесь, / без-
смѣртное благосла́вие купи́сте кончи́ною мечá и му́кою огня́
привре́меннаго, / ма́лая на вели́кая измени́вше. / О, купи́ пре-
мудрыя! / Тѣм же ны́не неизречѣнныя радости / в сла́внем со́нме
святых земли́ Ко́льския наслажда́етесь, блаженнии.

Богородичен: Умо́в ли́цы и всех святых собо́р чтут Тя, Влады́чи-
це: / безплóтнаго бо Бо́га Сло́ва, Егóже ужа́саются А́нгели, / во-
плоти́ла еси́ и была́ еси́ Ма́терь Бо́жия, / прѣжняя вражды́ средо-
сте́ние Рождество́м Твои́м еди́на расто́ргшая.

Конда́к, глас 7:

Начальниче мона́хов Гýрие и прóчии отцы́ всеблаженнии, /
боже́ственными страда́нии, я́же за Христа́ претерпѣвше, /
дýши своя́ во огни́, я́ко зláто в горни́ле, очисти́ли есте́ / и во оби-
тели горния́ ко Влады́це своему́ ны́не пресели́лись есте́. / Сего́
ра́ди приле́жно чтим и ублажа́ем вас, // преподобномученицы
Пѣченжстии.

И́кос:

Преподобномучеников по́двиг любопразднственне видя́ще, /
му́жеству их досто́йно почудимся, / борѣнию со безплóтны-
ми враги́ раду́ющесь, / А́нгельстии же чино́ве тех ублажа́ют. /
Та́мо побежда́еми бесовстии полцы́ лица́ отвращáют, / та́мо бо
всех Влады́ка венца́ми сла́вно украша́ет преподобномучеников

главы. / Сего ради возопиим: / о всех нас Христу моли́тесь, блаженнии // преподобномученицы Печенжстии.

Песнь 7

Ирмос: *Су́щим в пе́щи отроко́м Твои́м, Спа́се, не прикосну́ся, / ниже́ стужи́ огонь. / Тогда́ три́е, я́ко еди́нemi усты́, / пояху и благословля́ху, глаго́люще: // благословен Бог отец на́ших.*

Наста ны́не в землі Ко́льстей божественное веселие и радостная па́мять ва́ша, преподобнострада́льнии, / веселя́щая и освяща́ющая всех, / чту́щих по́двиги и страда́ния ва́ша и пою́щих: / отец на́ших Бо́же, благословен еси́.

Да воспомя́нем ны́не добропобедники́ святы́я, / сла́вныя Ио́ну и Ге́рмана, челове́ки небесны́я и а́нгелы земны́я, и Ду́ха Свята́го сосуды́ драги́я: / те́мже совосплещут ны́не с земны́ми небесная, / да возвеселится́ со А́нгелы естество́ челове́ческое, / небомудреннии отцы́, пострада́вшии до́блественно, / праздноуеми естé.

Мечём посека́ющесе́ и огню́ приобща́ющесе́, / телеса́ и богатство презре́сте ра́ди бу́дущия жи́зни, до́блии преподобнострада́льцы, / и, умерше́ со Хри́стом, ны́не ца́рствуете в непристу́пном све́те и невечернем, пою́ще: / отец на́ших Бо́же, благословен еси́.

Пёсньми да воспоём́ свяще́ннаго Гу́рия, игу́мена оби́тели Печенжския: / тя наста́вника́ ино́ков мно́жества́ почита́ем, / твоёю́ бо стезе́ю войсти́ну пра́во ходи́ти позна́хом. / Блаже́нне, Хри́сту порабо́тав, вра́жию си́лу обличил еси́, / А́нгелов собесéдниче́ и преподобномучени́ков соприча́стниче́, / с ни́миже моли́ся Го́сподеви поми́ловатися душа́м на́шим.

Богородичен: *Моле́бную на́шу пе́снь ны́не, Богороди́це, приими́, / всех воспева́ющих, Присноде́во, / с любóвию ко Го́споду вопи́ющих: / отец на́ших Бо́же, благословен еси́.*

Песнь 8

Ирмос: *Его́же ужа́саются А́нгели и вся во́инства, / я́ко Твори́ца и Го́спода, / пойте́, свяще́нницы́, просла́вите, о́троцы́, / благословите́, лю́дие, // и превозно́сите во вся ве́ки.*

Спаса́й рабы́ Тво́я, Великодержавный Царю́, / Бо́же, Еди́не Ще́дре, / мно́гими моле́ньми преподобных Твои́х страда́льцев Печенжских ста́ шестьна́десятих. / С ни́ми же и нас приими́, вопи́ющих: / да благослови́т тварь́ вся Го́спода и превозно́сит во вся ве́ки.

Ублажа́етесь, отцы́ святы́и, / по́двиги ва́шими и борéньми, / и́миже честна́я приятели́ща Ду́ха яви́стесе́, / я́коже А́нгели, пострада́вшие за пра́вое мудрова́ние, / о́гненное́ преще́ние му́жески

поправше, / и радуется, поюще: / препетый отец Господь и Бог, благословен еси.

Егда лютии безбожнии оружницы в церковь вскочиша со яростию во пламени огненне, / мужедоблестнии иноцы в сердцах своих реша: / страха же вашего не убоимся, ниже смутимся: яко с нами Бог! / И начаша разбойницы во храме всех предавати мучению и смерти, / страдальцы же Христова, злобу их ни во чтоже вменивше, / преклоньше колени, возопиша гласом велиим: / Господи, не постави им греха сего!

Не благоволит Вышний к нечестивым, / иже имут руки обгрены кровию неповинных: / тако, возвращесе восвоеси, / окаянное разбойще в пути пустынном заблудися, / и глад постиже их, / и остави их спасение, / и немнози на возвешение погибели их в страну свою приидоша: / яко весть Господь путь праведных, и путь нечестивых погибнет. / Тако по молитвам незлобивых страдальцев да исчезнут грешницы от земли / и беззаконницы, якоже не быти им.

Богородичен: Яко трапеза, Хлеб жизни вместила еси, всех питающий, Отроковице, вседетельным осенением / и Сего дойши сосцы, яко Младенца, / Егоже поюще, яко Бога, / Тебе господственно, Богородице, возвещаем: / да благословит тварь вся Господа и превозносит во вся веки.

Песнь 9

Ирмос: *Светоносный облак, воньже всех Владыка, / яко дождь с небесе на руно, сниде / и воплотися нас ради, быв Человек, Безначальный, // величаем вси, яко Матерь Бога нашего, Чистую.*

Яко сосуди благовоннии Слова, / яко цвет шипков во днех весенних, / яко крин при исходящих воды, / яко древеса присноцветущии и дышущии миру, / явились есте, всеподобнии отцы наши, / прогоняюще злосрадие недугов и гнус грехов, / с благоговением и верою к вам приступающих.

Ныне священная обитель Печенжская хвалится, богоноснии мученицы, / и, красящися, чудес ваших наслаждается, / и величается страдания и подвиги вашими, / песнословящи Христа во веки: / препетый отец Господь и Бог, благословен еси.

Положи вас Бог, преподобнострадальнии, в последняя времена, / яко незыблемая предстолпия обителем и церквам нашим на непримиримыя враги. / Кости же ваша всечестныя, / яко камень преткания на рубеже полнощном, сопротивным даде, / православную веру присно укрепляя, славнии.

Якоже со́лнце вели́кое, священна́я ва́ша па́мять, / просия́вши
я́сно, озаря́ет мир, / ю́же соверша́юще благоговейно, / почита́ем
вас, отцы́ преподобнострада́льнии, / я́ко предста́тели, храните́-
ли же и блюсти́тели оби́телей на́ших се́верных.

Богоро́дичен: Купина́ прообразова́ше, Де́во, Твое́ пресла́вное
чу́до: / Ты бо прия́ла еси́ во утробе́ Огнь нестерпи́мый, / войсти́-
ну чревоноси́вшая Христа́, / пра́вды Со́лнца су́щаго, неопали́ма
пребывши, / те́мже Тя при́сно блажим.

Свети́лен.

Подобен: Жены́, услы́шите:

Со́лнцу ста́вшу, одоле́ враги́ Иису́с Нави́н, / вы же, кра́я Ко́льскаго
предста́тели, / преподобнострада́льнии отцы́, пред очима́ ва́-
шима не име́юще со́лнца полно́щнаго, / но вы́ну име́юще Со́лнце
пра́вды, Христа́ Бо́га на́шего, / враги́ ви́димыя и неви́димыя посра-
мили есте́, / смире́нием и во́льною сме́ртию плоть дү́ху повинова́-
сте / и кра́ю на́шему свети́льницы яви́стеся, / и́же мече́м уязви́стеся
и огне́м испепели́стеся, / всесожже́ния Божество́нная принесосте́-
ся Животворя́щей Тро́ице, // Единосу́щней и Неразде́льной.

Сла́ва:

Стяжа́хом вас предста́тели премудры́я / и хранители́ святы́х
оби́телей и хра́мов на́ших, / те́мже све́тло соверша́ем па́мять
ва́шу благознаменитую, пе́сньми вас почита́юще: / вы бо, Го́спо-
да просла́вльше, // ны́не досто́йно со А́нгелы почита́еми есте́.

И ны́не, Богоро́дичен:

Всеца́рице Богоневесто́, Благослове́нная Влады́чице, / Ма́ти
Царе́ва, цве́те де́вства, / А́нгелов благоле́пие, Небе́сных укра-
ше́ние, / вели́кое прибе́жище, поём Тя, Пресвята́я, // я́ко Спаси́-
тельница́ ми́ра.

На хвали́тех стихи́ры на 4, глас 1.

Подобен: Небе́сных чино́в:

Приидите́, ве́рнии, / восхва́лим до́блия Христо́вы ору́жники
и свети́льники чи́стыя Правосла́вия, / твёрды́я преподобно-
страда́льцы сто ше́стьна́десять, / с ве́рою вопию́ще: / моли́те ко

Господу со всеми святыми Кольскими / спасти землю нашу, // в нейже имя Христа Спаса нашего славится присно.

Кровь ваша честная, преблаженный, истекши, вся освяти, / еже быти во спасение, даже до последних земли полнощныя. / Земля наша содержит честная телеса ваша, богоноснии, / Небо же – души. / Тем веселитесь, мученицы, со Ангелы, / Господеви трисвятую Песнь поюще: // Свят, Свят, Свят еси, Боже, Богородицею помилуй нас.

Красен еси, Владыко, / и в след Тебе течем чистыми душами, Женише, / – Собор преподобномученик Печенжских вопияше, радуясь, – / Твоею любовью, якоже зриши, связаемся // и Божественным ти рачением.

Верую совершающе память / ста шестнадцати добрых Христовых воинов / и подвиг сих преподобномученик любопытственне видяще, / мужеству их достойно почудимся, / борению со безплотными враги радующеся, / Ангельстии же чинове тех ублажают. / Тамо побеждаеми бесовстии полцы лица отвращают, / тамо бо всех Владыка венцами славно украшает преподобномучеников главы. / Сего ради возопиим: / о всех нас Христу молитесь, блаженный // преподобномученицы Печенжстии.

Слава, глас 1:

Кийми глаголы пение вам принесем, отцы преподобнострадальнии? / Или кийми похвальными песнями восхвалим вас, Печенжстии чудотворцы? / Радуйтесь, Православия поборницы, / приятелища добродетели, монашествующих утверждение, / обители Трифонови Печенжския основание; / радуйтесь, демонов прогонителие, / нечестивцев противоборницы, / Троицы всечестная селения; / радуйтесь, фиалы златыя, исполненнии ароматов мира благовоного; / радуйтесь, реки приснотекущая, Горняго Иерусалима предстолпия; / радуйтесь, вечных благ nasledницы, // молитесь о нас, любовь совершающих всечестную память вашу.

И ныне:

Молитвами Богородицы / и ста шестнадцати преподобномучеников Печенжских / мир Твой даждь нам, Господи, // и помилуй нас, яко Един Щедр.

Славословие великое, ектений и отпуст

НА ЛИТУРГИИ:

Блаженны от канона, Песнь 3-я и 6-я.

Прокимен, глас 7: Восхвалятся преподобнии во славе / и возрадуются на ложах своих. **Стих:** Воспойте Господеви Песнь нову, / хваление Его в Церкви преподобных. **Апостол ко Евреям, зачало 334.** Аллилуия, глас 4: Возваша праведнии, и Господь услыша их, / и от всех скорбей их избави их. **Стих:** Многи скорби праведным, / и от всех их избавит я Господь. **Евангелие от Луки, зачало 64.** **Причастен:** Радуйтесь праведнии о Господе, / правым подобает похвала.

ЯКЯФИСТ

святым ста шестнадцати
преподобномученикам Печенгским

Кондак 1

Избрании от Царя Сил, Господа Иисуса, / славный игумене Гурие и иже с ним сто шестьнадесять мученик, / страсто-терпцы Христовы Печенжстии, / мук и смерти не убоившися, / Христа дерзновенно исповедавшии, / торжествуем духовне во святем празднице вашем / и, воспевающе благодатную терпения вашего доблесть, / молим вас, преподобнии вои Христовы многострадальнии / и утвержденнии в воле Божией, / и нам спасения испросите, зовущим: /

Радуйтесь, прехвальнии преподобномученицы Христовы, // во обители Печенжстей пострадавшии.

Икос 1

Яко Ангели премирнии, / вознесшися мыслию от земных к небесным, / ко Христу, Владыце всех, / непрестанно веры очима взирающе, / разделении телесы и совокуплении духом, / преподобномученицы святии, силою Божиею укрепляеми, / многия муки мужественно за Христа претерпесте / и под меч главы ваша преклонисте, / темже, ублажающе страдания ваша и усекновение, глаголем:

Ра́дуйтеся, земны́я ра́дости Христа́ ра́ди презре́вшии;
Ра́дуйтеся, благ небесных всем се́рдцем возжелéвшии.
Ра́дуйтеся, во трудéх духо́вных в пусты́нях подвизáвшиися;
Ра́дуйтеся, бу́ри се́веровы и стúдени мо́ря не убоя́вшиися.
Ра́дуйтеся, смерть Христо́ву сме́ртию своéю подража́вшии;
Ра́дуйтеся, си́лою Воскрéсшаго держа́ву а́дову попра́вшии.
Ра́дуйтеся, ду́ши своя в ру́це Бо́жии безро́потно преда́вшии;
Ра́дуйтеся, испове́дницы хра́брии, венцы́ сла́вы избра́вшии.
Ра́дуйтеся, прехва́льнии мученицы Христо́вы, // во обители
Пе́ченжстей пострада́вшии.

Конда́к 2

Приидите, возра́дуемся Го́сподеви, / в па́мь страсотéрпцев,
Отце́в блаже́нных, мучеников Пе́ченжских / доблемúдренно
во обители земно́й трудившихся, / воистину до кро́ви подвизáв-
шихся / и в селéниях небесных упоко́ившихся. / Егда́ вы ста́те
пред врази́, всехва́льнии мученицы, / я́ко во́ини Христо́вы ве́р-
нии, / ника́коже отступи́те от взбра́ннаго Воево́ды, Го́спода сво-
его́, / взыва́юще Ему́: // Аллилу́иа.

И́кос 2

Разуме́вше, я́ко претерпе́вый до конца́, той спасе́н бу́дет, / тер-
пéнием текóсте, страсотéрпцы Христо́вы, / на предлежа́-
щий ва́м по́двиг, / взира́юще на Нача́льника ве́ры и Соверши́теля
Иисúса, / му́ки и терза́ния телéс ва́ших / и огонь язв́ящий претер-
пéли есте́, / раду́ющесея и красу́ющесея ра́нами, / я́же подъя́ли есте́
за любóвь ко Го́споду ва́шему, / те́мже пе́сньми ликовству́ем:

Ра́дуйтеся, просла́вленнии, кровь Христа́ ра́ди излия́вшии;

Ра́дуйтеся, смире́ннии, мук терпéнием подо́бие То́му из-
бра́вшии.

Ра́дуйтеся, ду́ши ва́ша любóвию ко Христу́ украсившии;

Ра́дуйтеся, я́ко блаже́нна есть земля́ Ко́льская, кровью́ ва́ши-
ми напив́шаяся.

Ра́дуйтеся, по́мыслы грехо́вныя молча́ния навыв́чением истре-
бившии;

Ра́дуйтеся, вязу и сме́рть в торжество́ ве́ры обратившии.

Ра́дуйтеся, стяжа́вшии благода́ть чистоты́ и смире́ния;

Ра́дуйтеся, обрётшии все́свётлое ме́сто упоко́ения.

Ра́дуйтеся, прехва́льнии мученицы Христо́вы, // во обители
Пе́ченжстей пострада́вшии.

Кондак 3

Силою Божиею укрепляеми, / преподобнии мученицы обители славнаго Трифона, добре подвизаетесь, / о временном житии небрегше. / Божественною благодатию привременную суету благодушно остависте, отцы блаженнии, / и с любовью приидосте во обитель оную, / подвигом постничества и молитвы обучившися, / исповедания венцы приясте, / свитских немец разбоище твердо изобличисте, / мечем изсечение приясте и огнем испепелистесь / и, сердечное око к Богу вперивше, / Ему воспевайте: // Аллилуиа.

Икос 3

Имуща в памяти словеса Господня: / и влас главы вашей не погибнет, вероваште тако: / не токмо власы, Христа ради терзаеми, / цели явятся во славе воскресения, / но и самое тело, раны и раздробление за Христа претерпевшее, / цело востанет со славою многою. / Темже любовью празднуем память вашу, / славный игумене Гурие / и иже с ним сто шестьдесят Печенжских мученик, / молящися молитесь о выну чтущих вас / и возносящих вам сия песенныя хвалы:

Радуйтесь, в досаде и озлоблении пречудное мужество явивши;

Радуйтесь, в терпении и молчании враги окайнные посрамивши.

Радуйтесь, от старца Трифона мученическую кончину предузнавши;

Радуйтесь, образ до смерти послушания игумену своему показавши.

Радуйтесь, смиреннии, огню приобщеннии и мечем изсеченнии;

Радуйтесь, кротции, тяжчайше мучимии и ранами изъязвленнии.

Радуйтесь, верная чада, старцем Печенжским на подвиг исправленная;

Радуйтесь, крепции, на небеси и на земли от Бога прославленнии.

Радуйтесь, прехвальнии мученицы Христовы, // во обители Печенжстей пострадавшии.

Конда́к 4

Бре́мя поруга́ния и запале́ния оби́тели своея́ понесе́ / и за-
кла́ние мече́м, я́ко а́гнцы незло́бивии, / коленопрекло́ненно
безро́потне восприе́мше, / разбо́ищу безу́мному укорёние бы́ли
есте́, Богоно́снии, / заколе́ния благоуха́нием испо́лнивше небес-
ная / и серде́чное о́ко к Бо́гу вперивше, / воспева́ли Ему́ есте́: //
Аллилу́иа.

И́кос 4

Кре́постию утверди́вшеся, свя́тии, Вседержи́телевою, / гла-
го́лы мучи́телей небрего́сте, до́блии во́ины Христо́вы, /
игу́мене Гу́рие и и́же с ним боже́ственнии му́ченицы, мона́хи и
бельцы́, / я́рость, гнев и горды́ню ни во что́же вмени́сте / и бла-
гохва́льно сме́рть, веселя́щися, восприя́сте, / ра́ны и му́ки Цар-
ствия ра́ди Небесна́го претерпе́сте. / Приимите у́бо от нас хва-
ле́бное пе́ние сие́:

Ра́дуйте́ся, не убо́явшиися от убива́ющих те́ло, ду́ши же не мо-
гу́щих уби́ти;

Ра́дуйте́ся, я́ко погуби́ли есте́ ду́ши своя́ Христа́ ра́ди, возмо́-
жете я́ сохра́нити.

Ра́дуйте́ся, ре́кшии: да избу́дем му́к ве́чных, вре́менных убо-
я́тися не и́мамы;

Ра́дуйте́ся, досто́должны́ми похва́лы ро́дом ва́шим прослав-
ляе́мии.

Ра́дуйте́ся, о́гненную му́ку и у́дом усекнове́ние претерпе́вшии;

Ра́дуйте́ся, игу́мене Гу́рие со ча́дами, страда́ние по Христе́ до-
сто́йно сконча́вшии.

Ра́дуйте́ся, я́ко пи́щи Боже́ственны́я на Небесе́х неоску́дно
причаща́етесь;

Ра́дуйте́ся, я́ко со А́нгелы жи́зни неоскудева́ющей наслажда́е-
теся.

Ра́дуйте́ся, прехва́льнии му́ченицы Христо́вы, // во оби́тели
Пе́ченжстей пострада́вшии.

Конда́к 5

Боготече́чныя зве́зды, / путево́дящая к Со́лнцу Пра́вды Христу́
Бо́гу, яви́лися есте́, / пасты́ренача́льниче игу́мене Гу́рие, /
священно́иначе Пахо́мие, / иероди́аконе Ио́сифе, / досто́слав-
не Амвро́сие / и про́чии сто ше́стьна́десять ино́ков и бельце́в, /
во оби́тели Пе́ченжстей подвиза́вшиися / и Христа́ ра́ди му́же-

ственно пострадавшии, / чрез мучения тяжкая и огонь бо проидоште / и, яко ученицы вернии преподобнаго Трифона и друзи Христоуы, / жизнью своих не пощадите за Господа своего, / но, жестоко биени и огнем опаляеми бывше, / зывали есте к Немю велегласно: // Аллилуиа.

Икос 5

Приидите днесь, лик Духовный составльше, / во обители преподобнаго Трифона благочестно торжествуем / и светло почитаем славных преподобнострадальных отцев, глаголюще: / радуйся, полче Богособранный, / шумящаго огня не убоившийся / и зославных буеть низложивший. / О, доблии оружницы Христоуы, / предстатели Печенжския обители! / О, бодрии хранителие Земель Северных, / молитесь о нас, подвиги ваща чудная славяще, / и восхваляюще вас сице:

Радуйтесь, победоносное множество Печенжское, яко в священной брани доблествовали есте;

Радуйтесь, славнии мученицы, яко в жертву Владыце принеслись есте.

Радуйтесь, мудрии старцы Печенжстии, чад своих в Царство Христоуо приведшии;

Радуйтесь, страсготерпцы, якоже иногда три отроцы, во огонь безбоязненно вшедшии.

Радуйтесь, хранителие обители Печенжския, искушениям противоборствовать нас научающии;

Радуйтесь, крепции, своим благосердным предстательством нас от бед защищающии.

Радуйтесь, Богоноснии мученицы Печенжстии, от века страдальцам утверждение;

Радуйтесь, вернии, всем сущим в бедах и теснотах по Христе укрепление.

Радуйтесь, прехвальнии мученицы Христоуы, // во обители Печенжстей пострадавшии.

Кондак 6

Похвалим днесь преподобнострадальцев сочетание, / сто шестьнадесять мнихов и бельцев, / твердых адамантов, мукою велиею / смерть неправедную острием меча претерпевших. / Тако падоша вси людие во обители до конца, / и на всех стенах окрест лавры, и на всех погостах Печенжских, / не посрамивше веры Православныя, / поюще избавителю Богу нашему: // Аллилуиа.

Їкос 6

Возсіясте, святїи сто шестнадцять мученик, во обители Печенжской, / світочї добродетелей христіанских, / яко світоносных звѣзд схожденіе, / просветїсте ноць плача страны сѣверныя. / Христос бо Господь манием Своим Божественным / посла вы, яко овцы посреде волков; / вы же Агнцу Христу истинни послѣдователие покажетеся, / уразумеете мимоходящую жизнь и не радїте о мѹках, / вѣчныя ради жизни правую веру соблюдоете, / о чесом удивляющеся, / вопїем к вам сице:

Радуйтеся, от беззаконных невинно за веру Христову пострадавшии;

Радуйтеся, красоту венцев неувядаемых от Царя славы приявшии.

Радуйтеся, яко во смиренїи вашем, яко овцы на заклєніе, ведоетеся;

Радуйтеся, яко жертву живу, святу, благоутодну Богу принесетеся.

Радуйтеся, правду, мир и радость о Дусе Святе улучившии;

Радуйтеся, слез ваших теченьми фараона мысленнаго потопившии.

Радуйтеся, последи пролианїем мученичeskия крови того сокрушившии;

Радуйтеся, доброхрабрии, сердца ваша в руке Божїи вложившии.

Радуйтеся, прехвальнии мученицы Христовы, // во обители Печенжстей пострадавшии.

Кондак 7

Восхотє враг спасенїя рода человеческого устрашити вы, / славнии ученицы преподобнаго Трифона, / благодарїли же есте Христа, / яко сподоби вы мученїя страдати / славы ради имени Его святаго. / Силою Божїею укрепляеми, / отразїли есте совет невидимаго врага / и верно воспевали есте Богу: // Аллилуїа.

Їкос 7

Дивен Христос Бог, прославляяся во святых Своих, / дарова вам, мученицы, не токмо единомудренне в Него веровати, / но и ходити единомышленїем в добрем исповѣданїи Божества Его / и по Нем страдати. / Христос бо собра вы, пресветлое мученичeskое воинство, / в собор мучеников един, / в Церковь Бога Жива, / и пребысть с вами, / темже и ныне zde есмь молящеся о вас:

Ра́дуйтеся, я́ко даде́ся вам побе́да Го́сподем на́шим Иису́сом Хри́стом;

Ра́дуйтеся, я́ко, Им укрепля́еми, сопроти́вльствовали есте́ вра́жией си́ле моли́твою и постом.

Ра́дуйтеся, я́ко проти́ву зло́бы от убива́ющих вас незло́биви яви́лися есте́;

Ра́дуйтеся, я́ко в злострада́ниих ва́с озлобля́вшим не проти́вилися есте́.

Ра́дуйтеся, си́льнии, о́браз спасе́ния предложившии нам, не-ве́рствующим и немощны́м;

Ра́дуйтеся, серебро́ и злато, разжже́ннии огне́м в Небе́сном до́ме сокрови́щем.

Ра́дуйтеся, неоску́днии исцеле́ний пода́телие;

Ра́дуйтеся, земли́ се́верныя ино́чествующих наста́вницы и храните́лие.

Ра́дуйтеся, прехва́льнии му́ченицы Хри́стовы, // во оби́тели Пе́ченжстей пострада́вшии.

Конда́к 8

Я́ко лю́тие зверие, / враже́бницы жестокосе́рднии во це́рковь Бо́жию вскочи́ша со ору́жием / и во хра́ме всех преда́ша сме́рти, / и ра́ди тяжча́йшаго му́чения о́вых на по́лы пресеко́ша, / други́м но́зе и ру́це отсеко́ша, ины́х вдоль́ рассеко́ша, / и хра́мы Бо́жии оскверни́ша, / и с посече́нными преподо́бных телеси́ сожго́ша. / Да похва́лится боже́ственное сосло́вие сих свяще́нных му́чеников, / сугубым бо венце́м венча́шася, / я́ко твёрдии страда́льцы су́ще, требо́жннии, / Хри́сту́ Бо́гу взыва́ли есте́, страсоте́рпцы: // Аллилу́иа.

И́кос 8

Весь сонм ваш, святы́и му́ченицы Пе́ченжстии, / наде́ястеся на Христа́ Бо́га на́шего, / я́ко има́ть с высоты́ смотре́ти на по́двиг ваш / со мно́жеством святы́х А́нгелов / и помога́ти вам, немощны́м, бу́дет. / Ве́рен же Бо́г, И́же не оста́ви вас во вре́мя лука́во, / не попусти́ иску́ситься па́че, е́же мого́сте, / но сотвори́ со иску́шением и избавле́ние, / я́ко возмо́щи вам понести́, / те́мже приимите́ от нас похва́лы сия́:

Ра́дуйтеся, страда́льцы, я́ко вся возмо́госте о Иису́се, вы укрепля́вшем;

Ра́дуйтеся, му́ченицы о Госпо́де Си́л, с ва́ми в той день пребы́вавшем.

Ра́дуйтеся, яко пти́цы райсти́и, ду́ши ва́ша на Небесéх сущь
безплóтным собесéдницы;

Ра́дуйтеся, яко в ра́дость вéчную внидо́сте, страсотéрпцем
единовсéльницы.

Ра́дуйтеся, яко обнажи́ли естé, молча́вше, злоухищрénная
вра́жая кова́рствия;

Ра́дуйтеся, ма́лое ста́до, яко благоизво́ли Оте́ц ва́ш да́ти ва́м
Небéсное Ца́рствие.

Ра́дуйтеся, в хра́ме Бо́жием Свята́я святы́х крове́ми свои́ми
обагривши́и;

Ра́дуйтеся, соу́з любве́ духо́вныя до сме́рти ве́рно сохрани́вшии.

Ра́дуйтеся, прехва́льнии му́ченицы Христо́вы, // во оби́тели
Пе́ченжстей пострада́вшии.

Конда́к 9

О, святіи ста́рцы, превелéбный игу́мене Гу́рие и смире́нный
диа́коне Ио́сифе! / Разлі́чне му́чаша вас, ору́жием язвѣще и
огне́м жгу́ще, / но вы, яко до́блии Христо́вы страда́льцы, / в тако́вém
лю́тем мучéнии еретикóм ничто́ же отвеча́сте / и то́кмо к небеси́ в
молі́тве взира́сте. / И мечáми в ча́сти разсеко́ша вы; / Госпо́дь же,
невидимо́ю сі́лою сопрису́тствуя, / облегчава́ше болéзни ва́ша
и утвержда́ше сердца́ ва́ша в терпéнии и любви́ Божéственней, /
тёмже в му́ках воспева́ли естé Христу́ Бо́гу: // Аллилу́иа.

Ї́кос 9

Витіи многовещáнныя не возмо́гут изрещи́ вам досто́йныя
хвалы́, / му́ченицы Христо́вы сто шестна́десятчисленнии, /
мечéм бо преклоні́сте выи́ / Христа́ ра́ди, Прекло́ньшаго Небеса́
и Соше́дшаго, / и излия́сте кровь ва́шу, / общни́цы Сего́ страсте́й
бы́вше. / Мы же, недосто́йнии, сия́ пéсенныя да́ры прино́сим
вам, глаго́люще:

Ра́дуйтеся, яко Христо́с даде́ вам ча́шу Свою́ досто́йне испи́ти;

Ра́дуйтеся, яко восхотé Он в земли́ северне́й по́двизи ва́ша
явити́.

Ра́дуйтеся, яко та́ти нечесті́вии смире́нию ва́шему удиві́шася;

Ра́дуйтеся, страда́ньми и язва́ми ва́шими в селéния райская́
всели́вшиися.

Ра́дуйтеся, яко со Хри́стом пострада́сте, да от Го́спода любви́
Его́ уллучи́те;

Ра́дуйтеся, яко ни тварь ка́я возмо́жет нас от любве́ Бо́жия раз-
лучи́ти.

Ра́дуйтеся, я́ко жи́тницы небесны́я вас, я́ко пше́ницу зрелу́,
прия́ша;

Ра́дуйтеся, я́ко сла́вою и че́стию Ца́рствия Небесна́го возме́ри-
шася вам страда́ния ва́ша.

Ра́дуйтеся, прехва́льнии му́ченицы Христо́вы, // во оби́тели
Пе́ченжстей пострада́вшии.

Конда́к 10

Ны́не свяще́нная оби́тель Пе́ченжская хва́лится, богоно́снии
му́ченицы, / и, крася́щися, чуде́с ва́ших наслажда́ется, / и ве-
лича́ется страда́ньми и по́двигами ва́шими, / умиле́нно песно-
сло́вляще Христа́ во ве́ки: // Аллилу́иа.

И́кос 10

Я́ко сосуди́ благово́ннии Сло́ва, / я́ко благоуха́ннии цветы́, /
я́ко чисте́йшии кри́ны, / я́ко древе́са присноцвету́щая и ды-
шущая ми́ра, / я́вились есте́, всепреподо́бнии отцы́ на́ша, / те́м-
же благоговейно́ взыва́ем вам:

Ра́дуйтеся, Ца́рствия Бо́жия и пра́вды его́ пре́жде ми́ра иска́в-
шии;

Ра́дуйтеся, приходи́щим к вам с ве́рою предста́тельство и по-
кро́в дарова́вшии.

Ра́дуйтеся, я́ко у́зкими врата́ми и те́сным путе́м живо́т ве́чный
насле́довали есте́;

Ра́дуйтеся, я́ко му́ки, огонь и ме́чное усече́ние в сла́дость вме-
нили есте́.

Ра́дуйтеся, лучеза́рныя и самоцветны́я сто ше́стьна́десяте
ка́мение;

Ра́дуйтеся, сла́внии, ино́ков путево́дящии в небесна́я селения́.

Ра́дуйтеся, я́ко ны́не в хра́мы Ко́льския приидо́ша вся дру́зи
ва́ша;

Ра́дуйтеся, я́ко, совоку́пльшися, пра́зднуем в сердца́х, ле́тнюю
па́мь ва́шу.

Ра́дуйтеся, прехва́льнии му́ченицы Христо́вы, // во оби́тели
Пе́ченжстей пострада́вшии.

Конда́к 11

Исте́кши, преблаже́ннии, кровь ва́ша честна́я вся освяти́, / е́же
бы́ти во спасе́ние, да́же до последи́х земли́ Полно́щныя, /
я́же хранит честна́я телеса́ ва́ша, Богоно́снии, / не́бо же – ду́ши. /
Те́м веселите́ся, му́ченицы, со А́нгелы, / Го́сподеви трисвяту́ю
пе́снь пою́ще, / раду́ясь и сла́вя Бо́га: // Аллилу́иа.

И́кос 11

Приидите, вѣрнии, сошедшея восхвалим безсупружныя
Лицы, / дѡбля Христо́вы ору́жники / и свети́льники чистыя
Правосла́вия. / Твѣрдии преподобнострада́льцы сто шестьна́де-
сяте, / молитѣ со все́ми святы́ми Ко́льскими спасти́ зѣмлю на́шу, /
восхва́лим сих пѣсньми, с вѣрою вопи́юще:

Ра́дуйтеся, Це́ркве огражде́ние и Правосла́вия побѡрницы;

Ра́дуйтеся, вѣчныя жи́зни благопло́дныя смоко́вницы.

Ра́дуйтеся, от обители Печенжския во Обитель Небѣсную
удѡбь возше́дшии;

Ра́дуйтеся, со лики святы́х Ко́льских Трисвяту́ю пѣснь Бо́гу
воспе́вшии.

Ра́дуйтеся, преподобных похвало́ и мучеников украше́ние;

Ра́дуйтеся, пусты́нныя обители ва́шей сла́ва и утвержде́ние.

Ра́дуйтеся, я́ко па́мять ва́ша с похва́лами есть и со святы́ми
успе́ние.

Ра́дуйтеся, я́ко Бо́гу пѣснь немѡлчно вопи́ете, ча́юще мѣртвых
воскресе́ние.

Ра́дуйтеся, прехва́льнии мученицы Христо́вы, // во обители
Печенжстей пострада́вшии.

Конда́к 12

Спаси́ рабы́ Твоя́, Великодержавный Царю́ Бо́же, / еди́не
Ще́дре, / мно́гими моле́ньми преподобных Твои́х страда́ль-
цев Печенжских ста шестьна́десяти. / С ни́миже и нас приими́,
вопи́ющих: / да благослови́т тварь вся Го́спода / и превозно́сит
во вся ве́ки, / Ему́же хвале́бную пѣснь воспева́юще: // Аллилу́иа.

И́кос 12

Предста́телей вас, премудри́и, стяжа́хом / и храните́лей свя-
щенны́х обителей и хра́мов на́ших, / целите́лей неду́гов и
прогоните́лей боле́зней, / те́мже све́тло соверша́ем па́мять ва́шу
благознаменитую, пѣсньми вас почита́юще / и любѡви́ю воспе-
ва́юще да́нную вам от Бо́га благода́ть и силу, / и зове́м сице:

Ра́дуйтеся, духо́в нечи́стых от челове́ков прогоните́лие;

Ра́дуйтеся, почита́ющих па́мять ва́шу неусы́пнии храните́лие.

Ра́дуйтеся, мученицы све́тлости, на му́ки дерзну́вшии за всех
Царя́ Христа́;

Ра́дуйтеся, я́ко драги́ми венца́ми по́чести вас Госпо́дь облиста́.

Ра́дуйтеся, обители преподобнаго Три́фона сокрови́ща пре-
бога́тая;

Ра́дуйтеся, крѣпции защи́тницы Се́вера и пред Бо́гом ходатаи́.

Ра́дуйтеся, яко ка́пли ва́ша кро́вныя су́ть земли́ Ко́льския пре-
чу́дныя ка́мения;

Ра́дуйтеся, сто ше́стьна́десятичѣсленнии мученицы, Це́ркви
Христо́вой похвало́ и утвержде́ние.

Ра́дуйтеся, прехва́льнии мученицы Христо́вы, // во оби́тели
Пе́ченжстей пострада́вшии.

Конда́к 13

О, добропобѣднии и многострада́льнии мученицы Христо́-
вы, / сто ше́стьна́десятичѣсленнии страстоте́рпцы, / ми́ло-
стивно приимѣте от нас, недосто́йных и грѣшных, / возно́симое
к вам ны́не хвалѣ́бное песносло́вие / и, яко предста́телие го́рняя
сла́вы, / иму́щии дерзнове́ние мно́гое ко Христу́ Бо́гу на́шему, /
помяните ны, ублажа́ющия вас любо́вию / и чту́щия ва́ша свята́я
страдания, / испросите нам у Го́спода оставле́ние грехо́в, / в ве́ре
утвержде́ние, в до́брых дѣлах укрепле́ние, / от бед и напа́стей из-
бавле́ние, / да всегда́ благода́рными усты́ воспева́ем Бо́гу: // Алли-
лу́иа.

Этот конда́к чита́ется три́жды, затѣм 1-й и́кос и 1-й конда́к.

И́кос 1

Яко А́нгели премирнии, / возне́сшеся мы́слию от земных к не-
бе́сным, / ко Христу́, Влады́це всех, / непреста́нно ве́ры очѣ-
ма взира́юще, / разделѣнии телесы́ и совоку́плении дү́хом, / пре-
подобномученицы святии, си́лою Бо́жиею укрепля́еми, / мно́гия
му́ки мужественне за Христа́ претерпе́сте / и под меч главы́ ва́ша
преклонѣ́сте, / те́мже, ублажа́юще страдания́ ва́ша и усекнове́-
ние, глаго́лем:

Ра́дуйтеся, земны́я ра́дости Христа́ ра́ди презре́вшии;

Ра́дуйтеся, благ небесных все́м се́рдцем возжелѣ́вшии.

Ра́дуйтеся, во трудѣх духо́вных в пусты́нях подви́завшиися;

Ра́дуйтеся, бу́ри се́веровы и студени́ мо́ря не убо́явшиися.

Ра́дуйтеся, смерть Христо́ву сме́ртию своѣю́ подража́вшии;

Ра́дуйтеся, си́лою Воскрѣ́сшаго держа́ву а́дову попра́вшии.

Ра́дуйтеся, ду́ши своя́ в ру́це Бо́жии безро́потно преда́вшии;

Ра́дуйтеся, испове́дницы хра́брии, венцы́ сла́вы избра́вшии.

Ра́дуйтеся, прехва́льнии мученицы Христо́вы, // во оби́тели
Пе́ченжстей пострада́вшии.

Конда́к 1

Избра́нии от Царя́ Сил, Го́спода Иисуса́, / сла́вный игү́мене
Гү́рие и и́же с ним сто ше́стьна́десять мученик, / страсто-
те́рпцы Христо́вы Пе́ченжстии, / мук и сме́рти не убо́явшеся, /

Христа дерзновенне исповедавши, / торжествuem духовне во святем празднице вашем / и, воспевающе благодатную терпения вашего доблесть, / молим вас, преподобнии вои Христовы многострадальнии / и утверждении в воле Божией, / и нам спасения испросите, зовущим: /

Радуйтесь, прехвальнии преподобномученицы Христовы, // во обители Печенжстей пострадавшии.

ЖИТИЯ

СВЯТЫМ СТА ШЕСТНАДЦАТИ ПРЕПОДОБНОМУЧЕНИКАМ ПЕЧЕНГСКИМ

О, святии славнии страстотерпцы Христовы, сто шестьнадесяте преподобномученицы Печенжстии, во обители святаго Трифона Христа ради мужественно пострадавшии, мечем изсечение приявшии, огнем испепелившиися и, яко друзи Христовы, в покой Небеснаго Царствия вшедшии, имате велие дерзновение ко Пресвятей Троице ходатайствовать о роде христианстем, наипаче же о почитающих святую память вашу и с верою и любовью вас призывающих.

Испросите у Всещедраго Бога прощение согрешений наших и жития нашего исправление, да, в покаянии и нелицемерной любви друг ко другу поживше, со дерзновением предстанем Страшному Судищу Христову и вашим представством одесную Праведнаго Судии предстанем.

Ей, угодницы Божии, славнии иноцы и бельцы, будете нам защитницы от всех враг, видимых и невидимых, да под кровом святых ваших молитв избавимся от всех бед, зол и напастей до последнего дне жизни нашей, и тако прославим великое и достопоклоняемое Имя Вседетельных Троицы, Отца, Сына и Святаго Духа, ныне и присно и во веки веков.

Аминь.

Величание:

Ублажаем вас, / святии преподобномученицы Печенжстии, / и чтим святую память вашу, / наставницы монахов // и собеседницы Ангелов.

ЯВЛЯЕТСЯ И СЛУЖБА
ПРЕПОДОБНОМУЧЕНИКУ ИГУМЕНУ ГУРНО
И С НИМ 116 ПРЕПОДОБНОМУЧЕНИКАМ
ПЕЧЕНГСКИМ

Корректор – Анастасия Бочарова
Прориси икон – Инна Куксенко
Дизайн и оригинал-макет – Ольга Колчина

В электронном виде издание размещено
на официальном сайте Мурманской епархии:
<http://mmparh.cerkov.ru>
в разделе «Книги митрополита Митрофана».

Сделать заказ можно:


- по электронной почте: eparhia_murmansk@mail.ru;
- по телефонам: +7-960 028 6677,
+7(8152) 25-97-61 или +7(8152) 25-53-38;
- на почтовый адрес: 183010, Мурманск, ул. Зеленая, 11.

Издательство Мурманской епархии
Мурманская митрополия
Русской Православной Церкви (Московский Патриархат)

ББК 86.372.24-50

Подписано в печать 10.08.2023
Формат 70 x 100 1/8. Тираж 300 экз.

Отпечатано в ООО «Типография «НП-Принт»
197110, Санкт-Петербург, Чкаловский пр., 15, тел. +7 (812) 325-22-97



Мурманская епархия